



Na osnovu člana 72., 73. i 75. Zakona o državnoj službi u Unsko-sanskom kantonu („Službeni glasnik Unsko-sanskog kantona“ br. 14/17 i 15/20) i Pravilnika o unutrašnjoj organizaciji Službe Skupštine Unsko-sanskog kantona, broj: 01/2-49-6-766/19 od 04.11.2019.godine i broj: 01/2-02-467-3/24 od 11.03.2024.godine, sekretar Skupštine Unsko-sanskog kantona raspisuje

JAVNI OGLAS
za prijem namještenika na neodređeno vrijeme u
Službi Skupštine Unsko-sanskog kantona

I - NAZIV RADNOG MJESTA

Viši referent – vozač – 1 (jedan) izvršilac

II - OPIS POSLOVA RADNOG MJESTA

Opis poslova radnog mjesta

- a) upravljanje motornim vozilom;
- b) brine se o održavanju vozila u ispravnom i čistom stanju, blagovremenoj zamjeni ulja i prijavljivanju kvarova i zamjene dotrajalih dijelova;
- c) brine o blagovremenoj registraciji, servisiranju i osiguranju vozila;
- d) redovno treba gorivo za vozilo;
- e) uredno popunjava, zadužuje i razdužuje naloge za vozilo i službeno putovanje;
- f) obavlja i druge poslove po nalogu šefa odsjeka, pomoćnika sekretara, sekretara i predsjedavajućeg skupštine.

III - UVJETI ZA OBAVLJANJE POSLOVA RADNOG MJESTA

Kandidati moraju ispunjavati opće uvjete iz člana 76. Zakona o državnoj službi u Unsko-sanskom kantonu („Službeni glasnik Unsko-sanskog kantona“ br. 14/17 i 15/20), kao i posebne uvjete utvrđene za radno mjesto viši referent – vozač u Pravilniku o unutrašnjoj organizaciji Službe Skupštine Unsko-sanskog kantona, za koje je raspisan Javni oglas.

Opći uvjeti za radno mjesto Viši referent – vozač

- a) da je državljanin Bosne i Hercegovine;
- b) da je starije od 18 godina;
- c) da je zdravstveno sposobno za obavljanje poslova utvrđenih za to radno mjesto;
- d) da ima odgovarajuću vrstu i stepen školske spreme;
- e) da u posljednje dvije godine od dana objavljivanja javnog oglasa nije otpušteno iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini;
- f) da nije obuhvaćeno odredbom člana IX.I. Ustava Bosne i Hercegovine;
- g) da se ne vodi krivični postupak protiv lica.

Posebni uvjeti za radno mjesto Viši referent – vozač

- Diploma srednje stručne spreme III ili IV stepen – gimnazije, saobraćajne, ekonomske, ugostiteljsko turističke, mašinsko tehničke škole.

- Položen vozački ispit „B“ kategorije ili diploma o usavršavanju, odnosno drugi dokaz o obrazovanju za VKV ili KV vozača.
- Najmanje 10 mjeseci radnog iskustva.

IV- PRIJAVA NA JAVNI OGLAS

Prijava na javni oglas za radno mjesto viši referent – vozač

Kandidati su obavezni uz prijavu na Javni oglas, dostaviti original ili ovjerene fotokopije (ne starije od 6 mjeseci) sljedeće dokumentacije i to:

- Potpisanu prijavu na Javni oglas sa kratkom biografijom i kontakt podacima (adresa i broj telefona),
- Uvjerenje o državljanstvu,
- Diploma/svjedodžba o završenoj stručnoj spremi odgovarajućeg smjera tražena Javnim oglasom,
- Dokaz o položenom vozačkom ispitu „B“ kategorije ili diploma o usavršavanju, odnosno drugi dokaz o obrazovanju za VKV ili KV vozača,
- Dokaz o radnom iskustvu,
- Ovjerena izjava da kandidat u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini,
- Ovjerena izjava da kandidat nije obuhvaćen odredbom člana IX.1. Ustava Bosne i Hercegovine (lica koja su rođena poslije 1980. godine nisu dužna podnositi dokaze o ispunjavanju ovog uvjeta),
- Uvjerenje suda da se protiv njega ne vodi krivični postupak.

V- NAPOMENA ZA KANDIDATE

Kandidat koji bude izabran u obavezi je dostaviti uvjerenje da se protiv njega ne vodi krivični postupak i uvjerenje da je zdravstveno sposoban za obavljanje poslova utvrđenih za radno mjesto viši referent – vozač.

VI- ROK TRAJANJA JAVNOG OGLASA I ADRESA PODNOŠENJA PRIJAVA

Javni oglas objavljuje se na službenoj internet stranici Skupštine Unsko-sanskog kantona www.skupstinausk.ba.

Javni oglas ostaje otvoren 15 dana od dana objavljivanja na službenoj internet stranici.

Prijava sa traženim dokumentima podnosi se u zatvorenoj koverti neposredno na protokol pisarnice Službe Skupštine Unsko-sanskog kantona ili se dostavlja putem pošte, preporučeno na adresu:

Služba Skupštine Unsko-sanskog kantona

Ul. Alije Đerzeleza 2

77000 Bihać

sa naznakom

**„Javni oglas za prijem namještenika na neodređeno vrijeme u
Službi Skupštine Unsko-sanskog kantona“**

Neblagovremene, nepotpune i neuredne prijave neće se uzeti u razmatranje.

Broj: 01/2-30-105-1/24
Bihać, 15.03.2024.godine

